

應山縣志卷三

疆域

古者畫井分疆畫井所以治家分疆所以治國井不畫則家爭疆不分則國爭自封建變爲郡縣無所爲國爭矣然而縣各有境守土之責之所歸境各有土與民政教之所施財賦之所出况應界楚邊地當衝驛其山川之險易土田之闊狹道里之遠近尤不可不條分而縷析也志疆域

應山縣志

卷三

疆域

一

禹貢分九州疆域畫然疆域者經緯之大本也疆域正則職任專可以杜官民推諉之端可以絕士民爭訟之漸可以知幅員遠近之辨則可以知田地寬狹之分可以知租粒收穫之數則可以知賦稅輕重之宜而國用由此制焉是以度地以居民度民以分田度田以定賦度賦以制用靡有不審定其疆域者以邑之疆域計之廣凡一百一十五里袤凡一百一十里經緯相乘開方爲法四域之中所積者約凡一十六萬三千五百四十八萬武除四隅之缺去山川之

畛道路之數去之橋梁之數去之寺觀之數去之約  
凡一萬一千四百五十一萬四千五百九十八武以  
武歸田得田凡九萬五千四百二十八石八斗三升  
之數以田科糧而糧之五千四百六十六石五斗之  
數出焉而必以疆域之廣袤爲則是以正疆域急也  
疆域正以之度地而地之數不可隱也以之分田而  
田之數不可欺也以之定賦制用豪飢無以滋其弊  
積胥無以舞其文也而不然者疆域不正則大經不  
定紛紛於較量弓矢之間抑末矣故孟子曰仁政必

應山縣志

卷三

疆域

二

自經界始

南至德安府治九十里

卽安陸邑治

南至雲夢邑治百五十里

北至信陽州治百四十里

東南至孝感邑治百八十里

西南至應城邑治百八十里

西至隨州治百一十里

東北至羅山邑治三百五十里

西北至棗陽邑治三百三十里

東南至省垣三百里北至 京師二千三百里

### 形勢險要

易垂設險之訓禮建形方之官從來大都大邑必據地利以壯形勢况應乃楚之北門所恃爲鎖鑰者詎鄖子數城已哉呂覽謂天下阨塞有九鄆阨其一而大隧直轅左右虎踞三關鼎峙號稱天險第昔也險僻今也通衢民生勞逸所由分亦卽保障難易所由別雖然地不足限人也周之都鎬爲險而洛爲平鎬之上可飲旨酒地險而情未嘗不平洛之上可作六師地平而威未始

應山縣志

卷三

疆域

三

不險有保障之責者可奮然興矣

環城皆山也自治北東西兩山並峙官道左右也邈七十餘里高貴山橫截其衝其巔夙設關隘爲平靖關卽古冥阨也林木叢鬱怪石嶙峋車不方軌馬不並騎俗傳漢壽亭侯經此竊竊然憾之因傳爲憾這關後有鑿山通道者遂爲衝途右有黃土關一名白雁關密邇中州昔人屢爭之左有武勝關雄據上流俯睨諸方險阨之地用武之所因之設關置吏以禦暴客治東則有太平鎮鎮濱河水遶其山下通孝邑上達羅山商賈往來

奸慝錯雜守禦惟艱水之從西南流者經治之馬坪港過平林市南入於湏應山隨州遂得因河岸東西以爲界接壤安陸者曰壽山聳西南之巖峻以迴向乎郡城應山者郡之保障也依乎腹心則湏城亦爲邑之砥柱焉內外表裏相爲依衛舊志曰鄖子國在熊繹封北永邑又在鄖北直與申伯國聯岡巒礪三關險隘九砦爲烈屹然北門鎖鑰也申畫郊圻慎固封守厥惟□哉以上二篇俱係前志

一正北平靖關在治北七十里卽古冥阨也接信陽境

## 應山縣志

### 卷三

疆域

### 四

俗稱憾這關又曰杏遮關綱目集覽作行者坡

按行杏遮者但平仄不同而聲實相近至遮這者俱屬齒音而杏有項稱項憾音相近大抵憾這關之名最古而其後訛稱耳觀憾這之名知行人之苦矣一武勝關在治東北方八十里接信陽境齊志玉篇俱云卽直轅也原名武陽關呂覽謂九塞之一魏元英攻馬廣於此

一黃土關在治西北五十里亦接信陽境

祐按一統志載應有平靖白雁鳳見武陽四關是應

之阨塞不止三關也三關者就古大隧直轅冥阨言之耳今平靖關卽古冥阨武勝卽古直轅白雁卽古之大隧白雁又名百雁史又稱黃峴又曰黃土而鳳見則邑志不載豈以不在三關之列故略之歟統志云昔鳳凰見關下因名其事亦可傳也今在治東北二十里周誌

按三關爲全楚門戶昔謂北門鎖鑰者此也咸豐十年粵匪凶焰方張巡撫胡文忠公獨以捻匪爲慮委員何英查瑾至應令沿關修卡取徑設碉預塞捻路

應山縣志

卷三

疆域

五

議各碉卡防兵百名協以鄉勇工甫告竣文忠公歿議者以勞民傷財置之壬戌年副將沈峻德帶兵防應捻擁眾數萬意在突關而入沈以兵寡張虛幟於卡內使賊疑卻旁出奇兵擊之賊大潰乘勢追殺者數千

計共四卡一十五碉

平靖關卡一關南小河品字碉五

黃土關卡一心字碉四

武勝關卡一人字碉三

漿溪店北分水嶺品字礪五

一正南觀音坡嶺勢崛強橫互安應衝要咸豐四年髮賊竄應由此

一東南蕭家店濱河下通孝感武昌上達羅山商賈往來奸慝錯雜盤詰爲艱又自應家店張楊店入城捷徑咸豐四年髮賊初竄應由此

一西南壽山山嶺巖峻迴向郡城爲平林市入城要道同治三年捻匪自京山竄應由此

一正西馬坪港隨州交界北爲桐柏棗陽南爲安陸京

應山縣志

卷三

疆域

六

山入應之路髮捻去來屢由此道